

**Naqqiut**

Saqqummiussissut 27. april 2017 ullulerneqartoq taarserpaa  
(*Siunnersuuteqartup allanngortinnera*)

**Illoqarfinni annerusuni arfineq marluusuni ungasissumiit kiassarnikkut, innaallagissamillu kiassarnikkut ullumikkuminngarnit suli annerusumik atorluaanerulernissarput siunertaralugu, Naalakkersuisut suliniuteqaqqullugit peqquneqarnissaannik Inatsisartut aaliangiiffigisassaatur siunnersuut. Illoqarfiit pineqartut tassaapput Ilulissat, Qasigiannugit, Aasiaat, Sisimiut, Maniitsoq, Nuuk aamma Qaortoq.**

(Inatsisartunut ilaasortaq Peter Olsen Inuit Ataqatigiit)

**Ulloq 1. januar 2018-imut qitiusumik kiassaateqarfinnut kissarsuuteqarfinnullu il.il. Namminersorlutik Oqartussanit toqqaannngitsumik toqqaannartumilluunniit pigineqartunut**

**tamanut piginnittuunerup, akisussaanerup, ingerlatsinerup aserfallatsaaliinerullu il.il. Nukissiorfinni**

**ataatsimut katersorneqarnissaat pillugu Naalakkersuisut peqquneqarnissaannut Inatsisartut**

**aalajangiiffigisassaattut siunnersuut**

(Inatsisartunut ilaasortat, Villy Olsvig, Anders Olsen, Vivian Motzfeldt, Bendt B. Kristiansen aamma Mala Høy Kúko)

**Akissuteqaat**

(Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoq)

**Siullermeerneqarnera**

Aallarniutigalugu siunnersuutinut saqqumiunneqartunut, ullumikkut ataatsimoortillugit suliarineqartussanut aammalu nukissiuutinik pilersuinerput pillugu oqalliffiusussanut, Naalakkersuisut qujapput.

Nukissiummik pilersitsineq ilanngullugu ungasissumiit aammalu innaallagissamik kiassarneq sapinngisamik pitsaanerpaamik atorluarneqassasoq, Naalakkersuisut isumaqatigaat. Pitsaanerpaamik atorluaaniarnermi, ilaatigut nukissiummik atuneq avatangiisit aningaasaqarnerlu eqqarsaatigalugit pitsaanerpaamik atorluarneqarnissaa, eqqarsaatigineqassaaq.

Kiassaateqarfiit assigiinngitsut nunatsinni sanaartukkani anginerusunut pilersuisuusut amerlanerpaatigut uulia atorlugu kiassarnermik pilersuisarput, tamannalu inuit namminneq angerlarsimaffianni uuliatortunik kissarsuuteqarnermut sanilliunneqarsinnaavoq. Pisut amerlanersaanni uulia atorlugu kiassarnermik pilersuisoqartarpoq. Taamaattumik

kiassaateqarfiit Nukissiorfinnut tunniunneqarneranni  
sunniuteqarluarnerulersitsisoqarsinnaanera periarfissaqartoq naatsorsuutigineqarsinnaavoq.

Ungasissumiit kiassarnermut attaviit pilersinnissaat akisoorujussuuvoq, taamaattumik sumiiffinni pilersuinerup annertussusaa aammalu aningaasaliinissaq illersorneqarsinnaappata aatsaat Nukissiorfiit taamatut iliuuseqarsinnaapput. Tamanna oqaatigereerlugu, aamma taaneqassaaq nunatsinni sumiiffiit ilaanni nukissiummik ullumikkut pisartunit annertunerusumik atorluaasinnaaneq ilimanaateqarmat. Tamanna nunatsinni nukissiummik pilersuisartut tamaasa nalunaarsorneqarneranni pisinnaavoq, ilaatigut nunatsinni kiassaateqarfiit aamma ungasissumiit kiassarnermut attaveqaatit, taamaalilluni siunnerfilimmik sunniuteqarluarnerulersitsinissamut suliniuteqarnek ingerlanneqarsinnaassalluni.

Kiassarnermut tamanut immikkut uuttuutit pillugit nalunaarummik Naalakkersuisut februar 2017-imi agguaassaqarput. Tassunga atattillugu Naalakkersuisut nalunaarput inatsisissatut siunnersuummik saqqummiussaqaarnissartik siunniullugu, taamaalilluni Nukissiorfiit inissiatileqatigiiffiillu peqquneqarsinnaassammata inissiani atortussatigut piareersimasuni kissarnermut tammarmik immikkut uuttuutinik ikkussueqqullugit.

Naalakkersuisut maannakkorpiaq 2030-ip tungaanut nukissiuuteqarnermut suliaassaqaarfimmut pilersaarummik suliaqarput, taannalu 2017-imi Ukiaanerani ataatsimiinnermut atattillugu Inatsisartunut saqqummiunneqassasoq naatsorsuutigineqarpoq. Nukissiuuteqarnermut suliaassaqaarfimmut pilersaarummi qulequttat pingaaruteqartut ilaat tassaassapput nukissiummik sunniuteqarluartumik atorluanaanissaq, tassani ilaallutik ungasissumiit aamma innaallagiaq atorlugu kiassarnek, pisortat nukissiummik pilersuinerat tamaat qanoq iliorluta pitsaanerpaamik aaqjissuutissaneripput, kiisalu apeqummi kiassaateqarfiit Nukissiorfinnut tunniunneqarsinnaanerini isumaliuutiginerini pissusissamisoortutut ilaatinneqassaaq.

Immikkoortumut pilersaarummi nalilersuinerni pisussami aalajangiinissamut tunngavissani ilanngussinnaanissaa siunertaralugu, siunnersuut itigartinneqassasoq inassutigineqarpoq.